



**Inuit ilinnarnertuutut allamilluunniit ilinniakkamik naammassinnissi-manermikkut oqaluttariarsornikkut allattariarsornikkullu tuluttoorsin-naasut qanoq meeqqat atuarfiini, piareersarfinni, sunngiffimmi ilinnia-rtitaanerni suliffissaaleqisunulluunniit pikkorissarnerni tuluttut ilinniar-titsisutut atorneqarsinnaanersut pillugu Naalakkersuisut nassuiaammik saqqummiussinissamik peqquneqarnissaannik Inatsisartut aalajangiif-figisassaattut siunnersuut. Nassuiaat kingusinnerpaamik 1. august 2015 Inatsisartunut agguanneqassaaq.**

(Inatsisartunut ilaasortaq Inatsisartut Ruth Heilmann, Siumut)

Demokraatini isumaqatigaarput pingaaruteqarmat Kalaallit Nunaanni tuluttut ilinniartitsinissaq. Tuluit oqaasii nuarsuarmi attaveqatigiinnermi nuiamersannngornikuupput, iluaqutaasinnaallutik nunarsuarmioqataasunit kikkunnulluunniit atuisinnaasunit.

Periusissarli eqqartorneqartoq isumaqatiginngilarput. Tuluttut oqallorinneq pissutiginnarlugu ilinniartitsillaqqissuseq pilernaviannngilaq,. Tamanna nammineq inuttut misilittagaqarfigaara. USA-mi ilinniarnera aqqutigalugu tuluttut sunaagaluartorluunniit pillugu oqaloqateqarsinnaavunga. Aamma danskisumiit tuluttuumut nutserisarpunga nutserilluarsinnaallungalu. Taamaakkaluartoq tuluit oqaasii atorlugit ilinniartitsinissara naluara aamma qulareqaara pikkorissarnerinnakkut sakkussakka pisariaqartitakka ilikkarsinnaassallugit.

Pingaartinneqarpat inuiaqatigiit tuluttut ilinniartinneqassasut taava pissarsiarineqarsinnaapput qarasaasiakkut ilinniutit siunertamut naleqqussakkat. Sakkussanik pisariaqartuni piseriarluta assersuutigalugu atuakkanik atorniartarfiit qarasaasiaannut ivertikkutsigit taava pitsaanerusumik angusaqassaagut uani siunnersuummi periutsimut allaaserineqartumut naleqqiullugu.

Taamaattumik siunnersuut itigartinneqassasoq inassutigaarput.